



Samfylkingin

4. tbl. maí 2022

XS HAFNARFJÖRÐUR

XS

AÐ SJÁLFSÖGÐU!



OKKAR FÓLK

Jafnaðarmenn í Hafnarfirði

„Ég kem til dyranna eins og ég er klædd“

Sigrún Sverrisdóttir hjúkrunarfræðinemi vermir annað sæti Samfylkingarinnar í Hafnarfirði. Hún vill setja umhverfismálin á oddinn og veit fátt betra en að eiga skemmtilegt kvöld í góðra vina hópi.

Sigrún nemur hjúkrunarfræði frá Háskólanum á Akureyri og starfar um þessar mundir sem nemi á gjörgæsludeild Landspítalans. Sigrún segist alin upp í blómabúðinni Burkna sem amma hennar stofnaði og rak, en þar steig hún sín fyrstu skref á vinnumarkaðnum. Hún kennir skyndihjálpi fyrir Björgunarskóla slysavarnarfélagsins en á sumrin sér hún um rekstur Krossneslaugar á Ströndum ásamt manni sínum Davíð Mára Bjarnasyni, upplýsingafulltrúa Landsbjargar.

Sigrún og Davíð Már búa í Hafnarfirði ásamt börnum sínum Kristínu Söru, Ísak Mára og Viktoríu Ellen. „Ég hef búið í Hafnarfirði alla mína tíð, utan tveggja ára sem ég varði í Árneshreppi á Ströndum. Hafnarfjörður er auðvitað eitt fallegasta bæjarstæði landsins og þó svo bærinn hafi vaxið mikið þá er hér samfélag þar sem maður þekkir ansi marga og það er svo dýrmætt.“

Ætlaði að verða forseti eins og Vigdís

Þó svo hjúkrunarfræðin hafi orðið ofan á hjá Sigrúnu viðraði hún ýmsa möguleika á starfsferli á sínum yngri árum. „Ég ætlaði að verða bóndi, dýralæknir, læknir eða búðarkona - já og forseti eins og Vigdís! Ég hef mikinn áhuga á líðan og heilsu fólks og nýt þess því í botn að fá að mennta mig í fagi sem að því snýr. Ég hef verið félagi í Björgunarsveit Hafnarfjarðar frá því ég var unglingur, ætli áhuginn á því að hjálpa fólki hafi ekki byrjað þar,“ segir Sigrún, sem í gegnum björgunarsveitarstarfið fór og menntaði sig sem leiðbeinandi í skyndihjálpi. „Eftir það fann ég að mig langaði að vita meira um heilbrigðisgeirann og fór þess vegna í hjúkrunarfræðina. Það er ákvörðun sem ég sé sko ekki eftir, enda er námið virkilega skemmtilegt. Starfið á gjörgæslunni er virkilega gefandi og ég finn mig vel í því.“

„Við þurfum að setja umhverfismálin á oddinn“

Sigrún gekk til liðs við Samfylkinguna fyrir sveitarstjórnarkosningarnar 2018 og var þá í þriðja sæti listans. Hún hefur verið varabæjarfulltrúi á yfirstandandi kjörtímabili en tók sæti bæjarfulltrúa um áramót þegar breytingar urðu í flokksnum. Sigrún situr í stjórn flokksins og var fulltrúi fræðsluráðs þar til um áramót þegar hún tók sæti í umhverfis- og fræðsluráði. Þá hefur hún einnig verið í starfshópi á vegum bæjarins um gerð menntastefnu.

Aðspurð þess hvað hafi dregið hana í pólitík og hver hennar helstu áherslumál séu segir Sigrún; „Það er áhugi minn á fólki og aðstæðum þess sem dró mig af stað. Ég vil svo gjarnan taka þátt í að byggja upp samfélag þar sem alvöru samtal er alltaf í gangi um það hvert bæjarbúar vilja stefna með bæinn sinn. Það



Davíð Már Bjarnason (41 árs), Ísak Már Daviðsson (13 ára), Kristín Sara Magnúsdóttir (19 ára), Viktoría Ellen Daviðsdóttir (6 ára), Sigrún Sverrisdóttir (44 ára).

þarf að vinna betur að því að jafna kjörin, allir eiga að geta stundað íþróttir og tómstundir, íbúðaúrræði þurfa að vera mun fjölbreyttari en þau er í dag og við eigum að halda vel utan um þann hóp sem þarf á einhverskonar aðstoð að halda. Skólar bæjarins eru reknir af sveitarfélaginu og þar þurfum við að vera fremst í flokki - hlusta á fagfólkið okkar og vinna statt og stöðugt að því að aðlaga skólana og starfið að þeim sem þar vinna, bæði starfsfólki og nemendum,“ segir Sigrún, sem einnig brennur fyrir umhverfismálum. „Það er frábært að fá tækifæri til að hafa áhrif á nærumhverfi sitt og við þurfum að taka stór skref í því að gera fólki auðvelt að velja aðra samgöngumáta en einkabilinn, en í því tilliti þarf að bæta stígakerfi bæjarins. Við þurfum að setja umhverfismálin á oddinn, þau mega einfaldlega ekki sitja lengur á hakanum, þar getum við gert svo miklu betur.“

”

Mér þykir fátt mikilvægara en að koma hreint fram og vera heiðarleg bæði í starfi og samskiptum við fólkið mitt, ég kem til dyranna eins og ég er klædd.“

Nýtur sín í botn á Ströndum

Sigrún segist vera heilmikil Pollýanna og þyki auðvelt að sjá möguleika og jákvæðu

hliðar lífsins. „Mér þykir fátt mikilvægara en að koma hreint fram og vera heiðarleg bæði í starfi og samskiptum við fólkið mitt, ég kem til dyranna eins og ég er klædd. Mér þykir gaman að takast á við áskoranir og elska að læra nýja hluti og bæta við þekkingu mína.“

Áhugamál Sigrúnar snúast um samveru og góðar stundir með fjölskyldu og vinum. „Mér þykir eiginlega öll útivist skemmtileg. Við fjölskyldan förum á skíði, ferðumst um landið og ég nýt þess í botn að vera í sveitinni okkar á Ströndum á sumrin. Ég hlusta líka á góð hlaðvörp og les skemmtilegar bækur, þó svo skólabækurnar eigi vinninginn þessa dagana. Fátt er þó notalegra en að eiga gott kvöld með kærnum vinum, elda góðan mat, spjalla, hlæja, jafnvel taka í spil og auðvitað kosningabaráttan.“

Sigrún segir sínar hugmyndir um framtíðina ekki flóknar. „Ég vil halda áfram að vaxa í starfi og leik, umkringd þeim sem mér þykir vænt um. Ég hlakka mikið til framtíðar þar sem ég fæ að taka þátt í að gera bæinn okkar að enn betri stað til að búa á. Ef allt gengur eftir mun ég sitja mitt fyrsta kjörtímabil í meirihluta bæjarstjórnar Hafnarfjarðar þar sem góð og þörf verk verða unnin í þágu þeirra sem búa hérna í bænum. Við jafnaðarmenn erum tilbúin í þau verk.“



Sigrún Sverrisdóttir.

Frambjóðendur fara í heimsóknir

Það er mikilvægt að hlusta á fólk! Takk fyrir að taka á móti okkur



NPA miðstöðin. Hjörtur Örn Eysteinnsson framkvæmdastjóri og Rúnar Björn Herrera Þorkellsson formaður stjórnar tóku á móti Stefáni Már og Árna Rúnari ásamt fleiri góðu fólki.



Gaflaraleikhúsið. Björk Jakobsdóttir, Gunnar Helgason og Lárus Vilhjálmsson tóku á móti Guðmundi Árna, Hildi Rós og Stefáni Már ásamt hópi af eldhressum leikurum.



Brettafélag Hafnarfjarðar. F. v. t. h. Árni Rúnar, Jóhann Óskar formaður, Auður og Aðalsteinn íþróttá- og framkvæmdastjóri.



Verkalyðsfélagið Hlíf. F. v. t. h. Stefán Már, Guðmundur Rúnar framkvæmdastjóri, Árni Rúnar, Hildur Rós og Kolbeinn Gunnarsson formaður.



IceTransport. F. v. t. h. Davíð Gunnarsson stjórnarformaður, Hildur Rós, Guðmundur Árni, Árni Rúnar og Jón Ólafur Bergþórsson framkvæmdastjóri.



Badmintonfélag Hafnarfjarðar. F. v. t. h. Stefán Már, Árni Rúnar, Hildur Rós, Anna Lilja framkvæmdastjóri og Hörður Þorsteinnsson formaður.



F. v. t. h. Elísabet Karlsdóttir aðstoðarleiðskólustjóri, Guðmundur Árni, Hildur Rós, Hildur Kahtleen Harðardóttir og Hrefna María Pálsdóttir.



Hestamannafélagið Sörli. F. v. t. h. Stefán Már, Didda framkvæmdastjóri, Hildur Rós, Halldóra félagi í Sörli, Guðmundur Árni og Atli Már formaður.

„Endurnærist við hestamennskuna“

Stefán Már Gunnlaugsson skiparfimmta sæti framboðslista Samfylkingarinnar í Hafnarfirði fyrir sveitarstjórnarkosningarnar í vor. Hann hefur alla tíð haft mikinn áhuga á félagsmálum og tekið virkan þátt í þeim, en veit fátt betra en að moka skít og fara á hestbak.

Stefán Már er guðfræðingur að mennt og hefur starfað sem héraðsprestur Kjalarnessprófestsdæmis frá árinu 2017, en áður var hann sóknprestur á Vopnafirði. Þá stundaði hann einnig nám við Háskólann í Kiel í Þýskalandi og í stjórnun og stefnumótun frá Háskóla Íslands.

„Ég hef gaman af því að vinna með fólki, einkum börnum og ungmönnum og mikið unnið í barna- og unglingastarfi og komið að undirbúningi æskulýðsmóta og ýmissa viðburða,“ segir Stefán Már, sem á sínum yngri árum gekk í Lækjarskóla í Hafnarfirði og síðar Flensborg þaðan sem hann útskrifaðist stúdent árið 1993.

Stefán Már býr á Völlunum í Hafnarfirði ásamt eiginkonu sinni Lilju Kristjánsdóttur og saman eiga þau fjóra syni, þá Gunnlaug Örn, tvíburana Hermann Inga og Kristján Hrafn og Þorkel Fannar. „Hér liggja ræturnar, ég ólst upp á Austurgötunni, þeirri fallegu og rólegu götu og á laugardögum var gjarnan farið í þrjúbió í Bæjarbíó eða Hafnarfjarðarbíó. Bærinn er einstakur með sinn fallega miðbæ og hraunið og stutt í náttúruna, það er allt innan seilingar. Það er einfaldlega lang best að búa í Hafnarfirði, en þegar við hjónin keyptum okkar fyrstu íbúð þá tókst mér að fá Lilju í Hafnarfjörðinn og nú vill hún hvergi annarsstaðar vera,“ segir Stefán Már ánægður. Hann bætir við: „Það er líka gott að vera á Völlunum, gott samfélag, traustur grunnskóli og öflugt íþróttastarf hjá Haukum.“



Kristján Hrafn (17 ára), Lilja Kristjánsdóttir (50 ára), Þorkel Fannar (13 ára), Stefán Már (48 ára), Hermann Ingi (17 ára) og Gunnlaugur Örn (20 ára).



Stefán Már Gunnlaugsson.

Markvissra aðgerða þörf í loftslagsmálum og umhverfisvernd

Stefán Már hefur verið í Samfylkingunni frá stofnun. Hann sat í leikskólanefnd eftir meirihlutasigur flokksins í Hafnarfirði árið 2002, tók þátt í síðustu kosningum og er varabæjarfulltrúi og situr einnig í skipulags- og byggingarráði fyrir hönd flokksins.

„Hafnarfjörður hefur alltaf haft sérstöðu og sín bæjareinkenni. Hafnfirðingar vilja vera stoltir af bænum sínum, sögunni, öflugum menningarlífi, nýsköpun í skólastarfi, stuðningi við barnafólk og öflugum íþróttalífi og við viljum vera í fremstu röð. Einnig er mikilvægt að bærinn okkar haldi áfram að vaxa og dafna, íbúum fjölgi og fólk á öllum æviskeiðum finni húsnæði við sitt hæfi. Þá er brýnt að við leggjum áherslu á að ná árangri í loftslagsmálum og umhverfisvernd með markvissum aðgerðum,“ segir Stefán Már um sín helstu áherslumál í aðdraganda kosninga.

Hefur alltaf haft mikinn áhuga á félagsmálum

Aðspurður hvernig Stefán Már myndilýsa sjálfum sér í nokkrum orðum segir hann; „Ég stend við orð mín, vil hafa skýra framtíðarsýn, er hvetjandi og fylginn mér og nýt þess að velta upp nýjum hugmyndum. Ég hef alltaf haft mikinn áhuga á félagsmálum og er formaður foreldrafélags Hraunvallaskóla og foreldraráðs Hafnarfjarðar, einnig Duchenne samtakanna á Íslandi. Þau voru stofnuð árið 2012 til að efla þekkingu og safna fé til rannsókna á vöðvarýrnunarsjúkdómnum Duchenne Muscular Dystrophy, en sonur minn er með þann sjúkdóm,“ segir Stefán Már. Svo er það hestamennskan sem á hug hans þegar frítími gefst. „Okkur hjónum finnst best að fara upp í hesthús og vera í öllu stússinu í kringum hestana. Fara á bak, moka skít, kamba þeim eða járna. Þetta er gefandi og líka mikil hvíld og endurnærandi. Síðast en ekki síst er það svo félagsskapurinn, enda eru hestamenn skemmtilegt fólk. Þá hef ég einnig gaman af fluguveiði og við

hjónin reynum að komast að minnsta kosti í eina veiðiferð á ári.“

Hvar sér Stefán Már sig að fimm árum liðnum? „Vonandi hafa börnin mín haft tækifæri til að flytja að heiman og fundið sér húsnæði, helst hér í bænum. Einnig að Samfylkingin sé í meirihluta og okkur hafi tekist að byggja upp enn öflugri bæ með sterku atvinnulífi, traustum innviðum og ábyrgri fjármálastjórn, skapandi menningarlífi, öflugum skólastarfi á öllum sviðum, velferðarþjónustu í þágu fjölskyldufólks og fyrir einstaklinga, eldri borgara og öryrkja og stuðlað að lifandi og skapandi samfélagi í bænum. Það gerist vonandi í kosningunum 14. maí næstkomandi.“



Stefán Már á hestinum Greipi.

”

Ég hef mikið jafnaðar-mannahjarta, finn til samkenndar með fólki og hef þörf fyrir að rétta hjálparhönd. Ég hef ávallt viljað að allir hafi jöfn tækifæri, en oftast er það fjárhagurinn sem þar sker úr.

1. maí - baráttudagur verkalýðsins „Fyrir vinnandi fólk“

Þann 1. maí ár hvert höldum við upp á alþjóðlegan baráttudag verkalýðsins. Hér á Íslandi eigum við sterka og öfluga verkalýðshreyfingu sem stendur vörð um kjör og réttindi vinnandi fólks.

Barátta okkar hefur skilað okkur mörgum sigrum, sem við teljum í dag sjálfsagðan hlut. Þá má nefna: orlof, uppsagnarfrest, veikindarétt, fæðingarorlof, lífeyrissjóði og önnur réttindi sem áunnist hafa í áralangri baráttu okkar og því eigum við að vera stolt af.

Íslensk verkalýðshreyfing, verkalýðshreyfingin okkar, hefur svo sannarlega verk að vinna í framtíðinni. Við þurfum að verja þann mikilvæga árangur sem náðst hefur og við þurfum að halda

áfram að sækja fram á nýjum sviðum. Í þeirri baráttu er mikilvægt að við stöndum saman sterk og sameinuð.

Við skulum sameinast um framtíðarsýn verkalýðshreyfingarinnar. Við skulum sameiginlega byggja upp samfélag, samfélag sem við viljum og erum stolt að vera partur af. Samfélag sem stendur sameinað gegn misrétti og fátækt, þar sem komið er fram við alla af sanngirni og virðingu. Þar sem allt launafólk, erlent jafnt sem íslenskt, nýtur mannsæmandi launa og réttinda. Við skulum hafa kjark og styrk til að horfast í augu við nýjum áskorunum, bregðast við þeim og leita nýrra leiða að markmiðum okkar fyrir vinnandi fólk og réttlátt samfélag.



Gundega Jaunlinina

skipar 12. sæti á lista Samfylkingarinnar í Hafnarfirði og er starfsmaður Verkalýðsfélagsins Hlífar.



Við jafnaðarmenn erum reiðubúnir til að taka við stjórn bæjarins að loknum kosningum. Við höfum ekki verið við stjórn bæjarins síðustu átta árin, en bendum með stolti og af hreinskilni á verk jafnaðarmanna fyrr og síðar í Hafnarfirði, þegar áherslur jafnaðarstefnunnar voru í heiðri hafðar við stjórn bæjarins. Við segjum einfaldlega: merkin sýna verkin; skoðið stjórnarhætti og verk jafnaðarmanna í gegnum tíðina í Firðinum. Við þurfum ekkert að fela. Við erum stolt af verkum okkar. Við göngum hnarreist til kosninga, tilbúin í verkin og finnum fyrir blússandi stuðningi meðal bæjarbúa.

Komdu og vertu með í nýrri sókn jafnaðarmanna í Hafnarfirði!”

Guðmundur Árni Stefánsson,
oddviti Samfylkingarinnar í Hafnarfirði.

Utankjörfundar- atkvæðagreiðsla

**Vegna kosninga til sveitarstjórna sem fram fara
14. maí 2022 í Holtagörðum á 2. hæð.**

Opnunartími: 1. maí: kl. 10:00 - 20:00 / 2. maí til 13. maí: kl. 10:00 - 22:00.
Á kjördag laugardaginn 14. maí verður opið frá kl. 10:00 - 17:00 fyrir kjósendur sem eru á kjörskrá utan höfuðborgarsvæðisins.

„Hlúum að Vinnuskólanum“

Vinnuskóli fyrir ungmenni í þeirri mynd sem hann hefur verið þróaður á Íslandi er einsdæmi í veröldinni, verkefni sem við getum verið hreykin af. Stærstu verkefni hans snúa að umhverfis- og garðyrkjuverkefnum í hverju bæjarfélagi fyrir sig og segja má að vegna góðrar vinnu ungmenna í Vinnuskóla Hafnarfjarðar lítur bærinn okkar vel út á sumrin, er bæði snyrtilegur og fallegur. Á síðustu árum hefur hann þróast og mörg ný verkefni orðið til.

Aðsóknin að Vinnuskólanum er góð og oft er hann fyrsti vinnustaður ungmenna og því er mikilvægt að upplifun þeirra sé jákvæð, þau læri til verka og fái að vinna við áhugaverð verkefni. Um 1400 mannsstarfa við sumarstörf á vegum Vinnuskóla Hafnarfjarðar á hverju sumri og til að allt gangi smurt og vel fyrir sig þarf að hlúa að starfsseminni. Sumarið á Íslandi er stutt og því þarf að nýta tímann vel og skipuleggja

starfssemina fyrirfram eftir því sem hægt er, en líka að vera opinn fyrir nýjum hugmyndum og ekki síst þeim sem koma frá ungmennunum sjálfum.

Og þar stendur hnífurinn í kúnni, utanumhald er erfitt þar sem aðstöðuleysi skólans er mikið. Nauðsynlegt er að gera bragarbót þar á. Samfylkingin leggur á það áherslu að á næsta kjörtímabili verði Vinnuskólinn efldur, aðstaða hans byggð upp, hlúð að þeim verkefnum sem eru í gangi og honum gert kleift að bæta um betur. Af nógu er að taka. Hlúum að Vinnuskólanum.

Sýnum störfum ungmenna Vinnuskólans áhuga og virðingu, hvetjum þau áfram, hrósum og þökkum fyrir, án þeirra starfa liti bærinn okkar öðru vísi út. Styðjum þau í að gera ennþá betur, gerum Vinnuskólann áhugaverðan, hlúum að honum og starfssemi hans.



Jón Grétar Þórsson
skípar 8. sæti á lista Samfylkingarinnar í Hafnarfirði og er umsjónarmaður Vinnuskólans í Hafnarfirði.

STÓRU MÁLIN

- Við ætlum strax að ráðast í kraftmiklar aðgerðir í húsnæðismálum. Við ætlum að stórauka samstarf við óhagnaðardrífni leigufélög með það að markmiði að bjóða upp á fjölbreytt og hagkvæmt húsnæði fyrir ungt fólk, fyrstu kaupendur, eldri borgara og tekjulága og fólk með millitekjur.
- Við ætlum að leita allra leiða til að lækka álögur á fjölskyldur í bænum og bæta þjónustu, m.a. með auknum systkinaafslætti þar sem það er mögulegt.
- Við ætlum að hækka frístundastyrki fyrir börn og ungmenni um 20.000 kr. á ári, eða úr 54.000 kr. í 74.000 kr. og miða frístundastyrk við 5 ára aldur barna.
- Við ætlum að fjölga leikskólum og koma á fót ungbarna-dagvistun sem mætir þörfum barna í bið eftir leikskólaplássi og samhliða þessu ætlum við einnig að efla dagforeldrakerfið til þess að mæta þörfum barna og foreldra sem biða eftir leikskólaplássi.

- Við ætlum markvisst að auka íbúalýðræði og virkt samráð um stór mál sem smá. Við hlustum í raun á raddir bæjarbúa.
- Við ætlum að gera stórátak í að bæta göngu-, hjóla- og reiðstíga í bæjarlandinu og tengingar þeirra við önnur bæjarfélög. Einnig að tryggja vegabætur sem greiða fyrir bílaumferð og almenningssamgöngum.

Samfylkingin er reiðubúin til að taka við stjórn bæjarins að loknum kosningum 14. maí næstkomandi. Við erum tilbúin í verkin og bendum með stolti á verk jafnaðarmanna fyrr og síðar í Hafnarfirði. Eftir kyrrstöðu síðustu ára undir stjórn núverandi meirihluta munu Hafnirfjörðingjar strax skynja og finna þann sóknarhug sem mun fylgja nýjum stjórnarháttum í bænum þegar Samfylkingin tekur við stjórn hans.

Vertu með í nýrri sókn jafnaðarmanna.
XS, Samfylkingin og Hafnarfjörður.

XS - Að sjálfsgöðu!

Biuro wyborcze Samfylkingin Godziny otwarcia

- Strandgata 43 w Hafnarfjörður -
Pon. - Pt. 16:00 – 18:00
Sobota 12:00 – 16:00

Opening Hours Samfylkingin in Hafnarfjörður

- Strandgata 43 -
Weekdays 16:00 – 18:00
Saturdays 12:00 – 16:00

Opnunartími í Samfylkingarhúsinu

- Strandgötu 43, Hafnarfirði -
Virkir dagar 16:00 til 18:00
Laugardagar 12:00 til 16:00

Vissir þú...?

...að hjónin Jón Björnsson og Gréta Björnsdóttir sáu um að skreyta Hafnarfjarðarkirkju að innan þegar hún var byggð. Sá sem situr í áttunda sæti lista Samfylkingarinnar, Jón Grétar, er einmitt skírður í höfuðið á þeim.

...að Bókasafn Hafnarfjarðar fagnar 100 ára afmæli 18. okt. næstkomandi. Það hóf starfsemi að frumkvæði Gunnlaugs Kristmundssonar kennara og byrjaði í litlu herbergi í gamla barnaskólanum sem var við Suðurgötu. Síðan var það flutt í Flensborgarskóla. Lengst af var bókasafnið til húsa í Mjósundi og nú á Strandgötu 1 í núverandi húsnæði. Væri kannski við hæfi að fagna afmælinu með að hefjast handa við byggingu nýs glæsilegs húsnæðis.

...að ekki er að finna fjármuni á fjárhagsáætlun bæjarins fyrir yfirstandandi ár til byggingar nýs leikskóla né byggingar nýs tónlistarskóla. Samt lofar Sjálfstæðisflokkurinn því núna korteri fyrir kosningar, að ráðast eigi í byggingu nýs tónlistarskóla og fjölga leikskólaplássum. Sum kosningaloforð eru froða.

Konurnar okkar

á fullu í kvennagleði með Eddu Björgvins



Auður, Sigrún, Kolbrún og Sigrid taka á móti gestum.



Ungar jafnarðarkonur í góðum gir!



Fullt hús í Samfylkingarhúsinu.



Andrea Eyland, Edda Björgvinsdóttir og Hildur Rós Guðbjargardóttir.



Sigrún Sverrisdóttir býður konur velkomnar.



Edda á fullu gasi - og athyglin óskipt.

„Við styðjum jafnaðarmenn í Hafnarfirði“

XS - Að sjálfsgöðu!



Ásta Eyjólfsdóttir
60 ára, skóla- og frístundaliði.



Björg Barðardóttir
61 árs, skrifstofu- og sölufulltrúi.



Haldóra Garðarsdóttir
51 árs, leikskólastarfsmaður.



Hekla Sóley Arnarsdóttir
22 ára, háskólanemi í þroskaþjálfun.



Kjartan Guðmundsson
71 árs, lífskúster.



Rannveig Oddsdóttir
66 ára, sjúkralíði.



Sigrún Baldursdóttir
66 ára, ritari hjá Eimskip.



Tómas Leifsson
37 ára, upplýsingafulltrúi.



Valgerður Guðmundsdóttir
74 ára, fyrrverandi bæjarfulltrúi.



Víktor Ragnar Þorvaldsson
33 ára, framreiðslumaður.



Þórdís Guðnadóttir
45 ára, iðjuþjálfari.



Ágúst Arnar Þráinsson
32 ára, tómstunda- og félagsmálafræðingur.



Jóna Ósk Guðjónsdóttir
73 ára, fyrrverandi forseti bæjarstjórnar í Hafnarfirði.



Ófeigur Friðriksson
48 ára SPM sölu- og þjónustuþjálfari.



Pétur Hrafn Friðriksson
22 ára, háskólanemi.



Vilborg Harðardóttir
25 ára, forstöðukona í félagsmiðstöð.



Þórdís Birta Jónsdóttir
19 ára, framhaldsskólanemi.



Laufey Guðmundsdóttir
36 ára, starfsmaður á Hrafnistu.




Jónatan Ingi Jónsson
35 ára, kerfisfræðingur.



Ingvar Júlíus Viktorsson
80 ára, fyrrum bæjarstjóri.



Hildur Dögg Ásgeirsdóttir
45 ára, hjúkrunarfræðingur.



Anna Lovísa Þorlákssdóttir
32 ára, grunnskólakennari.



Samfylkingin í Hafnarfirði

Strandgötu 43

xshafnarfjordur@xshafnarfjordur.is

779 2465